

中國地方志集成

省志輯·山西 ⑥

雍正山西通志(四)

鳳凰出版社●上海書店●巴蜀書社

雍正山西通志(四)



(清) 覺羅石麟 修
(清) 儲大文 纂

山西通志卷第一百四十

山西巡撫都察院右副御史臣覺羅石麟奉

旨修輯

人物四十 文苑五

絳州

司馬談龍門人父喜爲五大夫談學天官於唐都受易於楊何習道論於黃子仕建元元封之間爲太史令掌天官不治民元封元年武帝始建漢家之封而談留滯周南不得與從事發憤且卒子遷適使巴蜀返見談於河雒之間談執遷手而泣曰子先周室之太史也自上世普顯功名虞夏典天官事後世中棄絕於子乎女復爲太史則續吾祖山西通志 卷一百四十 文苑

矣今天子接千歲之統封泰山而子不得從行是命也夫子死爾必爲太史爲太史毋忘吾所欲論著矣且夫立身揚名於後世以顯父母此孝之大也自獲麟以來四百有餘歲而諸侯相兼史記放絕今漢興海內一統明主賢君忠臣義士子爲太史而不論載廢天下之文子甚懼焉爾其念哉遷俯首流涕曰小子不敏請悉論先人所次舊聞不敢闕乃卒談號太史公嘗愍學者不達其意而師諄爰論陰陽儒墨名法道德六家要指焉

司馬遷談子生龍門耕牧河山之陽年十歲誦古文二十而南游江淮上會稽探禹穴窺九疑浮沅湘北涉汶泗講業齊魯之郡觀夫子遺風鄉射鄒嶧阨困蕃薛彭城過梁楚以歸仕爲郎中奉使西征巴蜀以南略邛笮昆明還報命

而談卒三歲遷復爲太史令號太史公絀史記石室金匱之書五年而當太初元年十一月甲子朔旦冬至遷曰先人有言自周公卒五百歲而有孔子孔子至於今五百歲有能紹而明之正易傳繼春秋本詩書禮樂之際意在斯乎意在斯乎小子何敢讓焉上大夫壺遂曰孔子作春秋垂空文以斷禮義當一王之法今夫子所論欲以何明遷曰余聞之先人虛戲至純厚作易八卦堯舜之盛尚書載之禮樂作焉湯武之隆詩人歌之春秋采善貶惡推三代之德褒周室非獨刺譏而已也漢興已來至今天子獲符瑞封禪改正朔易服色受命於穆清澤流罔極海外殊俗重譯款塞請覲獻見者不可勝道臣下百官力誦聖德猶不能宣盡其意且士賢能矣而不用有國者之耻也主上

山西通志

卷一百四十 文苑

二

明聖德不布聞有司之過也余掌其官廢明聖盛德不載滅功臣賢大夫之業不述墮先人所言罪莫大焉余所謂述故事整齊其世傳非所謂作也於是論次其文七年而遭李陵之禍幽於縲紲乃喟然而歎曰是余之罪夫身虧不用矣退而深維曰夫詩書隱約者欲遂其志之思也卒述陶唐以來至於麟止自黃帝始又嘗從孔安國問古文尚書載堯典禹貢洪範微子金縢諸篇多古文說其自序曰惟漢繼五帝末流接三代絕業周道既廢秦撥去古文焚滅詩書故明堂石室金匱玉版圖籍散亂漢興蕭何定律令韓信申軍法張蒼爲章程叔孫通定禮儀則文學彬彬稍進詩書往往間出自曹參蕭何言黃老而賈誼晁錯明申韓公孫宏以儒顯百年之間天下遺文故事廢不

畢集太史公仍父子相繼纂其職曰於戲余惟先人嘗掌
斯事顯於唐虞至於周復典之故司馬氏世主天官至於
余乎欽念哉網羅天下放失舊聞王述所與原始察終見
盛觀衰論考之行事略三代錄秦漢上記軒轅下至於茲
著十二本紀既科條之矣並時異世年差不明作十表禮
樂損益律歷改易兵權山川鬼神天人之際承敝通變作
八書二十八宿環北辰二十幅共一載運行無窮輔弼股
肱之臣配焉忠信行道以奉主上作三十世家扶義俟儻
不令已失時立功名於天下作七十列傳凡百三十篇五
十二萬六千五百字爲太史公書序略以拾遺補藝成一
家言協六經異傳齊百家雜語藏之名山副在京師以俟
後聖君子而十篇缺有錄無書遷既被刑爲中書令尊寵

山西通志

卷一百四十 文苑

三

任職故人益州刺史任安子遷書責以古賢臣之義遷報
曰鄙沒世而文采不表於後又曰草創此書惜其不成是
以就極刑而無愠色蓋其雅志也遷卒後書稍出宣帝時
外孫平通侯楊惲祖述其書遂宣布焉王莽時封遷後爲
史通子

晉

裴頠字逸民河東聞喜人秀子宏雅有遠識博學稽古御史
中丞周弼見而嘆曰頠若武庫五兵縱橫一時之傑也買
充卽頠從母夫表頠才德英茂詔襲爵固讓不許太康二
年徵爲太子中庶子遷散騎常侍惠帝初轉國子祭酒兼
右軍將軍初頠兄子憬爲白衣頠論述世勲賜爵高陽亭
侯楊駿黨左軍將軍劉豫遇頠問太傅所在頠給之遂委

而去尋詔代豫領左軍將軍屯萬春門及駿誅以功當封
武昌侯頠請封憬不聽累遷侍中奏修國學刻石寫經皇
太子既諱釋奠祀孔子飲饗射侯甚有儀序頠通博多聞
兼明醫術又上言宜改諸度量若未能悉革可先改太醫
權衡不能用樂廣嘗與頠清言欲以理服之而頠辭論豐
博廣笑而不言時人謂頠爲言談之林藪頠請增崇謝叔
妃位號仍啓增置後衛率吏給三千兵於是東宮宿衛萬
人遷尚書侍中如故加光祿大夫每授一職未嘗不殷勤
固讓頠與司空張華侍中賈模議廢賈氏華模不同謀遂
寢頠乃旦夕勸說從母廣城君令戒諭賈氏親待東宮而
已遷尚書左僕射侍中如故頠雖賈氏親屬然雅望素隆
四海不謂以親戚進也惟恐其不居位俄復使專任門下

山西通志

卷一百四十一 文苑

四

事固讓不聽頠上言賈模適亡復以臣代崇外戚之望彰
偏私之舉后族何常有能自保皆知重親無脫者也然漢
二十四帝惟孝文光武明帝不重外戚皆保其宗豈將獨
賢賈以安理故也昔穆叔不拜越禮之饗臣亦不敢聞殊
常之詔又表云咎繇謨虞伊尹相商呂望翊周蕭張佐漢
咸播功化光格四極暨於繼體咎單傳說祖已樊仲亦隆
中興或明揚側陋或起自庶族豈非尚德之舉以臻斯美
哉歷觀近世不能慕遠溺於近情昔疎廣戒太子以舅氏
爲官屬前世以爲知禮况朝廷何取於外戚正復才均尚
當先其疎者以明至公漢世不用馮野王卽其事也表上
皆優詔敦譬時以陳準子匡韓蔚子嵩並侍東宮頠諫曰
東宮之建所與游接宜用成德童子侍從非光闇遐風之

宏理也愍懷廢顙與張華苦爭不從顙深患時俗放蕩不尊儒術何晏阮籍素有高名口談浮虛不遵禮法至王衍之徒聲譽大盛位高勢重不以物務自嬰遂相放效風教陵替乃著崇有之論以釋其蔽王衍等攻難交至並莫能屈又著辯才論古今精義皆辨識焉初趙王倫誦事賈氏顧其惡之倫數求官顙與張華復固執不許倫欲先除朝望因廢賈氏遂遇害年三十四二子嵩該徙帶方倫誅追復本官改葬以卿禮諡曰成嵩嗣爵爲中書黃門侍郎荀綽稱其有父祖風該出後從伯譏爲散騎常侍並爲乞活賊陳午所害

裴綽字季舒徵少子器宇宏曠官至黃門侍郎長水校尉子遐善言元理音辭清暢冷然若琴瑟嘗與河南郭象談論

山西通志

卷一百四十文苑

五

一坐嗟服又嘗在平東將軍周顙坐與人圍棋顙司馬行酒遐未卽飲司馬曳遐墮地遐徐起還坐顏色不變復暮如故其性虛和如此東海王越引爲主簿後爲越子毗所害

南宋

裴松之字世期河東聞喜人祖昧光祿大夫父珪正員外郎松之博覽墳籍立身簡素年二十拜殿中將軍義熙初爲故鄣令在縣有績入爲尚書祠部郎表陳諸欲立碑者宜悉令言上爲朝議所許然後聽之庶可防遏無微顯彰茂實由是普斷宋武帝領司州刺史爲州主簿轉中從事行州事宋國初建武帝敕毛德祖曰裴松之廊廟之才不宜久居邊務今召爲太子洗馬與殷景仁同可令知之時議

立五廟樂松之言妃臧氏廟宜與四廟同除零陵內史徵爲國子博士元嘉三年兼散騎常侍使湘州甚得奉使之義論者美之轉中書侍郎上使注陳壽三國志松之鳩集傳記廣增異聞既成奏之上覽之曰裴世期爲不朽矣出爲永嘉太守勤恤百姓吏人便之後爲南琅邪太守致仕拜中散大夫尋爲國子博士進太中大夫使續成何承天國史未及撰述卒著文論及晉記並行於世

南齊

裴昭明騶子少傳儒史之業宋泰始中爲太學博士時議太子婚納徵用玉璧虎皮昭明日禮納徵儼皮鄭注云皮爲庭實鹿皮也晉太子納妃注以虎皮二太元中公主納徵

山西通志

卷一百四十文苑

六

虎豹皮各一此豈謂婚禮不祥王公之羞故取虎豹文蔚以尊其事虎豹雖文而徵禮所不言熊羆雖古而婚禮所不及珪璋雖美或爲用各異今宜準經誥凡諸僻謬一皆詳正於是參議加珪璋豹熊羆皮各二元徵中出爲長沙郡丞罷任刺史王蘊之曰卿清貧必無還資湘中人士有須一禮之命者我不愛也昭明日下官忝爲郡佐不能光益上府豈以鴻都之事仰累清風歷祠部通直郎齊永明三年使魏武帝曰使還當以一郡相賞還爲始安內史郡人龔元宜以玉印玉板惑衆前後太守敬之昭明付獄案罪及還甚貧龔武帝曰裴昭明罷郡無宅不知古人誰可比還射聲校尉九年復北使建武初爲安北長史廣陵太守代還昭明歷郡皆清勤常曰人生何事聚畜一身外亦

復何須子孫若不才我聚彼散若能自立不如一經故終身不事產業中興二年卒

裴

裴子野字幾原昭明之子生而失母九歲祖母殷氏亡泣血哀慟家人異之少好學善屬文仕齊江夏王行參軍父寢疾禱請備至涕泗霑濡父夜夢見其容且召視如夢俄而疾間以爲孝感命著孝感傳固辭及居父喪墓草爲枯白兔白鳩馴擾其側梁天監初尚書僕射范雲將表之會雲卒不果子野於樂安任昉爲從中表獨不至門久之始兼廷尉正同僚代署名奏不允從坐免或勸言之笑曰雖慙柳季之道豈因訟以受服終無恨意中書郎范縝未相遇還國子博士上表讓之有司以資歷非次不爲通後爲諸

山

西通志

卷一百四十

文苑

七

暨令不行鞭罰爭者示之以禮合境遂無訟子野常欲繼成曾祖松之宋史業更撰爲宋略二十卷叙事評論多善沈約歎曰吾弗逮也蘭陵蕭琛亦美其評論曰可與過秦王命分路揚鑣矣吏部尚書徐勉言之武帝以爲著作郎掌修國史及起居注尋兼中書通事舍人除通直員外著作舍人如故敕又掌中書詔詰時白題及滑國由岷山道入貢莫知所出子野曰漢潁陰侯斬胡白題將一人服虔注云白題胡名也又漢定遠侯擊虜人滑此其後乎時人服其博識敕使撰方國志使國凡二十國子野與沛國劉顯南陽劉之遴陳郡殷芸陳留阮孝緒吳郡顧協京兆韋稜皆博學深相賞好顯尤推重之長平侯蕭勸范陽張纘每討論墳籍咸折衷焉居繼母曹氏喪過禮復爲員外郎

普通七年敕撰移魏文受詔立成上召尚書僕射徐勉太

子詹事周捨鴻臚卿劉之遴中書侍郎朱异集壽光殿觀

之時並歎服上曰其形雖弱其文甚壯俄又敕爲書喻魏

相元叉夜受旨及五鼓催令速上徐起操筆味爽便就上

深嘉焉自是諸符檄皆令具草子野爲文典而速不尚靡

麗制多法古或問其爲文速者答云人皆成於手我獨成

於心還中書侍郎鴻臚卿領步兵校尉在禁省十餘年默

靜自守未嘗請謁所得俸悉給外家中表借官地二畝起

茅屋數間妻子恒苦饑寒以教誨爲本子侄若奉嚴君劉

顯常推高之深信釋教終身飯麥食蔬中大通二年卒遺

命務存儉約上爲之流涕贈散騎常侍即日舉哀賜諡貞

子異數也子野少集註喪服續裴氏家傳各二卷抄合後

山

西通志

卷一百四十

文苑

八

漢事四十餘卷又敕撰衆僧傳二十卷百官九品二卷附益謚法一卷方國使圖一卷文集二十卷並行於世又欲傳齊梁春秋事未就卒及葬湘東王爲墓誌銘陳於藏內邵陵王又立墓誌埋於義道義道列誌自此始子鸞通直郎

元魏

王虬殷之後宋昇明二年始北事魏家河汾太和中嘗累薦王肅出爲并州刺史文中子晉陽穆公之述曰政大論八篇其言帝王之道著矣子彥爲同州刺史文中子同州府君之述曰政小論八篇其言王霸之業盡矣又曰內難而能正其志同州府君以之彥子一爲濟州刺史文中子安康獻公之述曰皇極讜議九篇其言三才之去就深矣又

曰禮樂之作獻公之志也

裴敬憲字孝虞直子少有志行學博才清撫訓諸弟專以讀書為業潛於榮利風氣俊遠郡徵功曹不就諸府辟命先進其弟司州牧高陽王雍舉秀才射策高第除太學博士性和雅未嘗失色於人工隸草解音律五言獨擅一時名聲甚重後進咸宗慕之中山王將之部朝賢送於河梁賦詩言別以敬憲為最少有氣病年三十三卒人甚悼之敬憲世為德鄉里孝昌中蜀賊陳雙熾所過殘暴至敬憲宅輒約束不得焚燒其為物所伏如此永興三年贈中書侍郎諡曰文

裴莊伯字孝夏宣次子博識多聞文才與敬憲相亞器度閑雅喜愠不形於色善以約言辨物司空任城王澄辟行參山西通志卷一百四十五

九

軍甚加賞年二十一上神龜頌時人異之臨淮王彧北討引為記室參軍委以章奏及間敬憲寢疾求假不許遂徑自還亦矜而不問扶侍兄病晝夜不離形容憔悴因冀敬憲遇病卒年二十八兄弟才學知名同年俱喪世其嗟惜之永安三年贈通直散騎侍郎諡曰獻兄弟並無子所著詞藻莫為集錄弟獻伯廷尉卿濟州刺史少以學尚風流有名京洛為政傷於嚴但以清白流譽遷殿中尚書卒裴伯茂仲規嗣子少有風望學涉羣書文藻富贍釋褐奉朝請大將軍京兆王繼西討引為鎧曹參軍行臺長孫承業南征降蜀陳雙熾為郎中承業還留知行臺事以平薛鳳賢等封平陽伯再遷散騎常侍典起居注太昌初為中書侍郎承熙中為廣平王贊文學後加中軍大將軍伯茂好

飲酒頗疎傲曾為豁情賦天平初還鄴又為遷都賦二年內宴殿中尚書韋成王景哲啓伯茂以黎擊案禁庭內令人挈衣後竟無坐卒年三十九殯於家園友人常景李渾王元景盧元明魏季景李騫等十許人於墓傍置酒設祭飲酣涕泣各賦詩一篇李騫寄以示魏收收時在晉陽作論叙伯茂其十字云臨風想元度對酒思公榮時人以爲得事實贈散騎常侍衛將軍度支尚書雍州刺史重贈吏部尚書諡曰文伯茂撰晉書竟未能成嗣子孝才武平末位中書舍人

北齊

裴讓之字士禮佗子少好學有文情年十六喪父殆不勝哀魏天平中舉秀才對策高第累遷屯田主客郎中省中語山西通志卷一百四十五

十

曰能賦詩裴讓之為太原公開府記室與楊愔善每清談竟日愔曰此人風流警拔裴文季為不亡矣梁使至常令攝主客郎弟取之奔關右兄弟皆拘繫齊神武問之答曰昔吳蜀二國諸葛兄弟各得盡心況讓之老母在此若臣分定失忠與孝愚夫不為伏願明公以誠信待物若以不信處物物亦安能自信以此定霸猶却行而求道耳神武善其言兄弟俱釋歷文襄大將軍主簿兼中書舍人後兼散騎常侍聘梁文襄嘗入朝讓之導引儀容蘊藉文襄目之曰士禮佳舍人也遷長兼中書侍郎領舍人齊受神流涕歎歎以參掌儀注封寧都縣男除清河太守至郡未幾姦吏欲連盜賊清清河豪吏田轉貴孫舍典奸猾多侵削因事脇人取財讓之以其亂法殺之侍中高德政舊與

讓之不協密請於上楊愔請救文宣大怒曰欲得與裴讓之同家耶竟賜死嗣子樊生矩

裴讓之字士正佐次子少好儒學釋褐太學博士嘗從常景借書百卷十許日便返景疑其不能讀爭卷策問應對無遺景歎曰應奉五行俱下彌衡一覽便記今復見之於裴生矣楊愔閤門改裴託諷之頓作十餘墓誌文皆可觀讓之諷之及皇甫和弟亮並知名洛下語曰諷勝於讓和不如亮司空高乾請為戶曹參軍不受署大司馬沛王辟記室西魏領軍獨孤信入金墉號曰洛陽遺彥後居南山洛州刺史王元軌召為中從事西師忽至遂隨入關為太行臺舍曹郎中卒贈徐州刺史

裴讓之字士平佐第三子七歲勸學早知名累遷司徒主簿山西通志卷一百四十文苑

楊愔每歎曰河東士族京官不少唯此家兄弟全無鄉音歎之不妄交游唯與隴西辛術趙郡李綸頓邱李構清河崔瞻為忘年友昭帝末轉儀曹郎儀注喪禮皆能裁正為許昌太守客旅過郡出私財供給民無所預吏人懷之仕周卒伊川太守

裴讓之字士令佐第四子少有風格邢邵每云我裴四武成為開府辟參軍掌書記

北周

裴漢字仲霄聞喜人寬弟操尚宏雅聰敏好學嘗見人作百字詩一覽便誦魏孝武初解褐員外散騎侍郎大統五年除大丞相府士曹行參軍轉墨曹漢善尺牘尤便簿領理識明斷斷詞如流相府語曰日下燦爛有裴漢武成中為

司車路下大夫參議格令有條理天和五年加車騎大將軍儀同三司晉公獲擅權漢直道自守八年不徙雅好賓游每良時美景必招引時彥宴賞留連間以篇什自寬沒後遂斷絕游從不聽琴瑟歲時哀慟而已撫養兄弟子情甚篤至借人異書必躬自錄本疾疾未嘗釋卷卒贈晉州刺史子鏡人少聰敏涉獵經史為大將軍譚公會記室參軍累遷春官府都上士仕隋位兵曹郎漢弟尼字景尼性宏雅有器局位御正下大夫卒贈隨州刺史子之隱趙王招府記室參軍之隱弟師人好學有識度起家秦王府府記室參軍仍兼侍讀

隋

王隆字伯高一子傳高祖元則業教授門人千餘隋開皇初山西通志卷一百四十文苑

以國子博士待詔雲龍門帝嘗從容問之隆對深切上默然曰先生朕之陸賈也何以教朕隆承詔著興衰要論七篇每奏上稱善文中子銅川府君之述曰興衰要論七篇其言六代之得失明矣隆出為昌樂令遷猗氏銅川所治著無其滿退歸遂不仕卒薛道衡嘗與楊素論王通曰鄉人也是其家傳七世矣皆有經濟之道而位不逢故河汾王氏儒林推之

裴政字德表河東聞喜人高祖孫從宋武帝建壽陽歷前軍長史廬江太守祖逵梁侍中左衛將軍豫州大都督父之禮廷尉卿政幼明敏傳聞強記達於時政年十五辟邵陵王府法曹參軍事轉起部郎枝江令湘東王召為宣惠府記室尋除通直散騎侍郎加壯武將軍師隨王琳討

侯景擒賊帥朱子仙旋爲先鋒入建鄴以軍功連最封夷陵侯徵授給事黃門侍郎復副王琳拒蕭紀破之於破口加平越中郎將鎮南府長史周師圍荊州琳自桂州來赴難政請從間道先報至百里洲爲周人所獲蕭督說之鎮送至城下使謂元帝曰王僧辯已自爲帝王琳不復能來政許之既而告城中曰援兵大至各思自勉吾被擒當碎身報國監者擊其口終不易辭督命趣行戮蔡大業諫曰此民望也若殺之則荊州不可下矣因得釋會江陵陷送關中周文帝聞其忠授員外散騎侍郎引事相府命與盧辯依周禮建六官尋授刑部下大夫轉少司憲政明習故事又參定周律簿案盈凡剖決如流用法寬平囚犯極刑者許妻子入獄就之皆曰死無所恨又善鐘律嘗與長孫

紹遠論樂宣帝時免隋高祖攝政召復官開皇元年轉率

更令加上儀同三司詔與蘓威等修定律令政採魏晉刑

典下至齊梁沿革輕重取其折衷同撰著者十餘人皆取

決於政進散騎常侍轉左庶子多所匡正東宮大事皆委

之通事舍人趙元愷作武職辭見帳未成劉榮語元愷云

但隔口奏不須造帳後榮諱無此語付政推問附榮者言

政欲陷榮太子召政責之政奏曰凡推事有兩一察情一

據證審其曲直以定是非臣察劉榮位高任重縱令實語

元愷蓋是纖介之憾計理而論不須隱諱又察元愷受制

於榮豈敢以無端之言妄相點累二人之情理正相似元

愷引左衛率崔蒨等爲證蒨等狀狀悉與元愷符同察情

既敵須以證定臣謂榮語元愷事必非虛太子稱政平直

政好面折人短而退無後言時雲定興數人侍政數切諫又謂定興曰公所爲不合禮度又元妃暴薨道路藉藉非令名也願公自引退不然將及禍太子益踈政出爲襄州總管妻子不之官秩奉散給僚吏民犯罪者悉知之或竟歲不發至再三犯乃因都會時親案其罪五人處死流徙者其衆合境惶懼令行禁止稱爲神明爾後殆無爭訟卒官年八十九著承聖降錄十卷後高祖追憶曰向遣裴政劉行本在匡弼承華應不令至此子南金膳部郎

王名文子兄也嘗讀說苑文中子見之曰美哉兄之志也

於以進物不亦可乎起家爲御史將行謂文中子曰何以

贈我文中子曰清而無介直而無執曰何以加乎文中子

曰太和爲之表至心爲之內守之以恭行之以道退而謂

董常曰大厦將顛非一木所支也嘗爲芮城令重陰陽王

氏家書稱芮城府君

宇文儉文中子父友也或問儉文中子曰君子儒也疏通知

遠其書之所深乎銅川府君重之豈徒然哉

王伯華龍門人文中子之族父也達於易

程元絳人文中子在絳元因薛收而來與之言六經元退謂

收曰夫子載造藝倫一匡皇極微夫子吾共失道左見矣

於是備開六經之義元嘗偕收見文中子問曰二生之學

文異志也對曰尼父之經夫子之續不敢怠也文中子曰

允矣君子展也大成居而安動而變可以佐王矣文中子

嘗謂闢遇而有喜色程元能之謂李靖智勝仁程元仁勝

智而又嘗許程元王孝逸之文王凝曰夫子得程仇董薛

而六經益明對問之作四生之力也

霍汲晉人隱於漁雅精樂律文中子嘗曰吾正樂於霍生見持竿者幾焉吾將退而求諸野矣

王凝字叔恬文中子弟從受元經文中子曰賢哉凝也權則未而可與立矣又嘗謂魏徵曰汝與凝皆天之直人也徵也遂凝也凝若並行於時有用捨焉謂李靖曰凝也若容於時則王法不撓矣文中子卒事寡嫂以恭順著居家居不肉食曰無求飽一布被二十年不易曰無為費天下也貞觀中起家監察御史時杜淹為御史大夫凝疏劾侯君集太宗以君集有功而長孫無忌善君集乃與淹不協而貶凝為胡蘇令又為太原令凝臨官計曰受俸鄉人有誣其稅者一歲再輸平居果如子弟非公服不見閭門蕭若

山西通志 卷一百四十 文苑

主

延年踰七十手不輟經慨然曰日月速矣不可使文中

之教不達於茲也召三子而教之略例焉

裴晞聞喜人文中子舅也受詩於文中子嘗問穆公之事文

中子曰舅氏不聞鳳凰乎覽德輝而下何必懷彼也

唐

王勃字子安絳州龍門人通孫六歲善文辭九歲得顏師古

注漢書讀之作指瑕以摘其失麟德初劉祥道巡行關內

表於朝對策高第年未及冠授朝散郎數獻頌闕下沛王

召署府修撰論次平臺秘略書成王愛重之時諸王閹難

勃戲為文檄英王雞上曰是且交構斥出府勃既廢客劍

南嘗登葛嶺山曠望慨然思諸葛亮之功賦詩見情聞訖

州多藥草求補參軍坐官奴曹達事除名父福時由雍州

司功參軍左遷交趾令勃往省度海溺水瘁而卒年二十

九歲初道出鍾陵九月九日都督大宴滕王閣宿命其婿

作序以夸客因出紙筆徧請客莫敢當至勃不辭都督怒

起更衣遣吏伺其文輒報一再報語益奇乃矍然曰天才

也請遂成文極歡罷勃屬文初不精思先磨墨數升則酣

飲引被覆面臥及寤援筆成篇不易一字時人謂勃為腹

藁尤喜著書與楊炯盧照鄰駱賓王皆以文章齊名號四

傑嘗起漢魏至晉作書百二十篇以續古尚書後亡其序

有錄無書者十篇勃補完缺逸定著二十五篇嘗謂人子

不可不知醫從長安曹元游盡得其要嘗讀易夜夢若有

告者曰易有太極子勉思之寤而作易發揮數篇至晉卦

會病止又謂王者乘土王世五十數盡千年乘金王世四

山西通志 卷一百四十 文苑

主

十九數九百年乘水王世二十數六百年乘木王世三十

數八百年乘火王世二十數七百年天地之常也自黃帝

至漢五運週周土復歸唐唐應繼周漢不可承周隋短祚

乃斥魏晉以降非正統皆五行沴氣遂作唐家千歲歷天

寶中崔昌采勃舊說上五行應運歷請承周漢廢周隋為

閏於是詔以唐承漢廢介鄴公尊周漢為二王後以商為

三恪焉

魏萬嘗居王屋山後名顯上元初登第初遇李白於廣陵白

曰爾後必著大名於天下因盡出其文命集之其還王屋

山也白為之序稱其愛文好古焉

王含續之後長於詩文有祖風韓昌黎推重之嘗為書文以

相交與

變說天祐三年進士官終禮部員外郎詩一卷行世弟諸同年進士終柱嶺攝令亦能詩

盧陵龍門人舉進士官至工部尚書讀書龍門山註春秋孝經每以經義決時議

宋

王益柔字勝之睢子抗直尚氣喜論天下事蔭殿中丞上備邊選將策杜衍丁度宣撫河東益柔寓書言河外兵饑無法非易帥臣轉運使不可因條其可任者衍度使還以學行政事荐知介休縣慶歷用范仲淹富弼韓琦忌者多攻之益柔上書論辨言尤切直尹洙貶慶州益柔訟之不聽范仲淹未識面以館閣薦除集賢校理預蘇舜欽奏邸會韓琦言益柔狂語何足深計張方平等皆近臣今西陲用山西通志卷一百四十五文苑

山西通志

文苑

兵大事何限一不論列而向狀攻一王益柔此其意可見矣上感悟但黜監復州酒久之爲開封府推官鹽鐵判官凡所需不應法豈有司迎合者悉論之出爲兩湖京東西轉運使上言考課法願參以唐四善兼取行實列爲三等不行熙寧元年入判度支審官院轉對言人君之難莫大於辨邪正邪正之辨莫大於置相相之忠邪百官之賢否也若唐高宗之李義府明皇之李林甫德宗之盧杞憲宗之皇甫鎛帝之鑑也高宗德宗之昏蒙固無足論明皇憲宗之聰明乃蔽於二人如此以二人之庸猶足以致禍况諸六藝挾才智以文致其姦說者哉意蓋指王安石也判吏部流內銓舊制選人當改京官滿十人乃引見由是士多困滯且舉者有故輒不用益柔請才二人即引見泉

論禽然稱之直舍人院知制誥兼直學士院董德遇明堂恩中書熟狀加光祿大夫而舊階已特進益柔以聞上謂中書曰非翰林幾何不爲堯夷所笑宰相怒其不申堂用他事罷其兼直還龍圖閣直學士秘書監知蔡揚亳州江寧應天府卒年七十二益柔少力學通羣書爲文日數千言尹洙見之曰贈而不流制而不窘語淳而厲氣壯而長未可量也獨不喜詩賦范仲淹荐試館職乞試以策論特聽之司馬光嘗曰自吾爲資治通鑑人多欲求觀讀未終一紙已欠伸思睡能閱之終篇者惟王勝之耳其好學類此

金

梁襄字公贊絳州人父定早亡養於叔父寧性穎悟日記千山西通志卷一百四十五文苑

山西通志

文苑

餘言大定三年擢進士第調耀州同官縣主簿遷邠州淳化令有善政察廉升慶陽府推官召爲薛王府椽時世宗將幸金蓮川有司具辦襄上疏極諫言尤詳切世宗納之遂爲罷行仍諭輔臣曰梁襄諫朕母幸金蓮川朕以其言可取故罷其行襄由是以直聲聞擢禮部主事太子司經選爲監察御史坐失察宗室交事罰俸一月尋轉中都路都轉運戶籍判官未幾遷通遠軍節度副使以喪去服闋授安國軍節度副使同知定武軍節度事避父諱改震武軍太常卿張暉曹州刺史段鐸薦襄學問該博練習典故可任禮官轉同知順義軍節度使事歷東勝州陝州刺史終保大軍節度使襄長子春秋左氏傳至地理氏族無不該貫自蚤達至晚貴膳服常淡薄識者雖謂太儉而人士

雅飲之

孫鎮字安常絳州人高才博學嘗中省試冠承安二年五赴廷試賜第以陝令致仕年八十四卒有注東坡樂府歷代登科記行世弟寧州刺史鉞字安世潘原令鉞字安道同榜擢第鄉人榮之號三桂孫氏

段克已字復之河東稷山人與弟成已並以才名禮部尚書趙秉文目曰二妙大書雙飛二字名其里金末以進士貢

北渡後與成已辟地龍門山二十年而卒人稱遜菴先生孫轉吏部侍郎刻二妙集於家塾吳澄序河東二段先生

心廣而識超氣盛而才雄其詩蓋陶杜兼而有之者也段成已字誠之號菊軒稷山人恒子天性孝友主宜陽簿冊

皇慶書即家焉授平陽路提舉學校事尋以老引退國子山西通志

卷一百四十文苑
祭酒周文懿公稱其文在班馬之間得聖賢正學氣象雍

穆所著有菊軒集今失
段整由寶真升太學其叔季良恒給其費令篤學整卒能成

業為時聞人後以文藝擢太平縣尹
宗經稷山人領解元舉進士所著有雲巖文集

段鈞字平仲稷山人矩子以文行著聞其弟鐸師事之同遊
楊屋有聲都人稱為河東二段各其居曰雙桂里早卒

元
段思誠字仲明號芹溪稷山人克已子詩文健雅大德間國
史院承旨聞文公訪河東文獻與西溪並薦於朝授河東

儒學教授謝去
段思溫字叔恭號聞過稷山人克已子少孤從仲父成已學

遂成名儒貫通經史尤邃易春秋詩文純正皇子安西王
辟為記室參軍不赴廉靜寡欲授業鄉里多所造就積書
萬卷以遺子孫卒之日遠近赴弔市為之罷

段思義字季方號西溪稷山人成已子受學於父國史院承
旨聞文公與芹溪並薦於朝授平陽路儒學教授不就往
來韓城愛其風土因徙居焉以經史授徒不倦

明

李彥英絳州人元時巨儒洪武御極博訪天下通經學古士

使主師席門人高鐸時為僉都御史因以彥英名上授平
陽絳州兩學訓導彥英端正有師範勤於訓誨一時登甲

乙榜者兩地為多人稱五經夫子

薛貞河津人中洪武甲子鄉試授元氏教諭官滿赴闕太祖

山西通志

卷一百四十文苑
干

詔擇儒官可備顧問者吏部以二十人上貞在列嘗進講

尚書大禹謨意義曉暢太祖稱善等復授榮陽教諭改馬
湖府長官司吏目馬湖地甚僻人皆獠類貞結茅以居養

殮不給泊如也獠人感其化咸奉命不敢肆永樂初復任
榮陽教諭改鄆陵九年徙河內未幾卒貞文清瑄父也簡

澹寡欲學以仁義道德為本深斥異端邪怪之說後以文
清貴贈大理寺少卿

賈正儀聞喜人文學賸富洪武間舉秀才授河南道御史有
直聲累官河南叅政清介自持謝政歸紡績為生太祖聞

而獎之
楊時字景瑞河津人宣德癸卯舉人謹愨工詩薛文清公雅
重之

楊潤河津人少從薛文清學稱高弟景泰癸酉舉於鄉授涇陽教諭動遵規矩訓迪爲一時廣文最擢國子監監丞祿薄不能迎養因悉舉俸錢以奉父而自甘澹泊蓋文行兼至云

史英字廷珍稷山人讀書得體要爲諸生卽以薛文清自期待雋成化戊戌進士知棗強縣革奸弊靖盜賊懇荒賑飢一時復業者百二十戶五百三十二口捐俸資藥餌完婚喪者一千五百餘人擢監察御史清理長淮鹽課按蘇松首劾周駙馬兄貪橫竄於法入掌河南道再按徽寧以剛直忤劉瑾調河南副使徑拂衣歸不赴著就正一得諸稿所言皆主敬窮理之學

任位稷山人正德丙子舉人溫厚純篤署洛南教諭飭學敦山道卷一百四十 文苑

行士習不變陞國子學正丁艱制終北上道由晉陽赴都憲張瀚處呈減本縣代納文水等縣均徭二千餘兩復補太學會駕臨幸賜衣一襲尋晉南京戶部主事監江陰倉糧督鈔淮安皆革其弊晉員外郎中總督倉場又晉鎮遠知府飭兵輯民武衛肅然尋陞貴州按察司副使值討苗人亂內外籌計居多督遼東苑馬寺卿所著有四書辯異書憲翼言汾野詩集

李汝寬字嚴夫聞喜人嘉靖丙辰進士授清豐知縣政尚嚴明而行以寬大邑有繼母素以嚴著一日詣縣庭控其子汝寬以情法諭戒之卒感悟母子相樂如初擢大理評事以平反著解組歸構書數百卷築樓藏之曰生其中吟披不釋手著有在澗集藏於家

陶梓絳州人嘉靖甲午舉人任睢州遷兩浙鹽運副去之日士民不忍舍卒於杭舉櫬過睢士民哭奠留二日始得歸梓德性溫雅平生無疾言遽色師呂涇野得身心之學焉梁格字君正稷山人長史潛子性儉約嘉靖乙未進士授濟陽知縣濟陽故煩劇地俗健訟格至別淑惡審情爲懲治一二梗令者如法俗爲一變其他罷無名之稅或聞寺之橫凡有闕民利害者毅然無所顧憚一時復業者數百戶嘗率檄勘禹城疑獄徑釋之其人持百金來謝亟麾去清苦之操數年如一日嘗作雪糧吟以見志擢南京兵科給事中行至平陽得母訃計擗踊泣血遂遵疾踰年卒所著窺易集四書古義補定齋存稿藏於家

梁紀字理夫該貫經史倚廬父墓者三年領鄉荐以母老不山西通志卷一百四十 文苑

仕後迫母命勉上公車夢母疾卽亟返事聞賜秩都察院都事嘗買姚村腴田若干畝斥以爲民居民爲立祠祀之著有樗櫟子等書十四種祀鄉賢

梁綱字正夫號承齋稷山人給事格子孝廉紀弟也嘉靖壬子解元壬戌成進士授戶部主事筦天津易州倉督密雲餉搜括頻年乾沒及羨餘三千餘金悉以上聞遷河南副使條上利病數十事大吏嘉之命通省共爲遵守遷湖廣叅政請歸與兄紀侍母甘旨不復出綱喜臨池大小書法俱精工既歸築知止軒讀書其中前後存章二十餘上俱不赴所著高梁生集計十三種共二百一十卷弟維戊午事人

梁維字持夫號水岩稷山人格季子聰慧博洽天性孝友從

二兄受業典墳無所不讀尤工書法領嘉靖戊午鄉薦齊名伯仲時擬三鳳云所著有三桂堂集六子抄史編類抄若干卷藏於家

趙用光字哲臣河津人三聘子登萬歷乙未進士官至詹事府少詹掌翰林院事兼侍讀學士性孝友居官清介學以致知主敬為宗典文衡拔文士邱毛伯等所著有蒼雪軒文集河東巡鹽李日宣為之序

王臣直原名聯科字聖隣絳州人萬歷庚子舉人授泗州知州丁內艱起開州治兵捕盜為清滑一帶保障公暇集諸知名士談道賦詩培植不遺餘力開人士集其文曰澶淵雜著詩曰夜告亭草工八分書崇禎間書蹟傳入禁中上兄之欣賞謂筆法渾成有北人氣骨詔董金吾徵書於任

山西通志

卷一百四十 文苑

重

所賦詩書帛以進有孤葵惟向日寸草自知春之句先是秦寇渡河分守道委練鄉勇為桑梓衛人倚為安子太武崇禎庚午舉人

劉有綸字代子河津人萬歷壬子舉人事父光祿至孝讓產兄弟始終無間言常從毘陵王翼楚究理學淵源讀書晉陽書院問字屢滿奇籍廣陵置講院與教寺當事每造廬請終歲無私謁丙子佐邑令甃城淮撫朱大典擬薦修實錄因官之堅辭授桐鄉知縣未任卒著四書白言明誠續言三忠詩文保甲議鹽法條議麟行諸書

任憲字憲章稷山人苑馬卿佐子慷慨有氣節萬歷年以貢授鄭縣訓導未受事即條上與學六款泣任後自蔡生疑獄恥咎生兄弟閱於牆作詩自責未幾遷山陰教諭修號

舍二十四間集諸生講習其中再遷大同教授晉丁生越控受責以為情教之戒又祀忠臣周尚文郭琬二人旌孝子趙榮貴一人節婦朱劉氏五人以為世勸久之以慶府紀善歸里家居嘗與夏縣馬鳳巢書言治河與大同何士魁書言治兵蓋雖退居不忘國恤云所著求心錄禮注補遺兩齋範畧蒙求小補釋古繁言藝林正體禮俗明徵諸書兵燹後多散軼不全惟龍鍾草七冊藏於家

第二翰號林垣聞喜人三翰從兄天啓間貢幼與三翰俱有文名稱河東二寧篤嗜詩書尤好獎掖人士立社董泊廟躬為評騭不少爽三中副車不樂仕進講文課藝髦而不倦三子二登甲科人以為善教尋卒所著有四書易經心印等集

山西通志

卷一百四十 文苑

雷

韓霖字雨公號寓菴絳州人長身疎眉音如洪鐘為文有奇氣書法在蘇米間少為傳東渤文太青兩先生所知黃石齋馬素修董思白諸公咸樂為推許天啓辛酉舉於鄉與其兄孝廉雲競爽先是年舞象時從兄遊雲間窺見東指趣後遂益嗜遊為聚書計嘗南至金陵東覽虎邱震澤汎舟南下武林又西南探匡廬觀瀑布水復由淮南北上謁孔林撫手植榆前後購書數萬卷法書數千卷既歸築州乘藏書樓以貯之日與二三弟子較助編摩又於讀書之暇學兵法於徐光啓學銃法於高則聖務為當世有用之士顧未及一試遽以避寇罹禍死所著守固全書校號全書祖絳帖考砲臺圖說數十種兵燹之餘存者亦僅矣裴邦奇號巢雲聞喜人問學綜博不事舉子業以詩名與汾

陽孔探花天允謝山人榛唱和有巢雲詩集四卷

李簡字養高聞喜人崇禎壬午貢孝友端良澹泊寧靜性嗜書雖毫不倦教授生徒負笈擔登學舍不能容知名者百餘人兼精韻學從遊皆知聲律士林尊為師範年八十四無疾卒

梁琪稷山人博綜古今補弟子員載酒問字者接踵雖終日談論無倦容知縣姚廷啓扁曰伯鸞高節年六十八跌坐而終

姚綬字公綬號松溪稷山人少以文學補弟子員喜詩賦尋自引退卜居紫金山麓鑿池注水灌田自給知縣孫信為構室三楹題曰高士幽居所著有金山樵隱若干卷

辛全字復元號天齋絳州人生而胸有赤痣稱神童方總角山西通志卷一百四十文苑

山西通志卷一百四十文苑

圭

時講河圖洛書戰能驚其長老弱冠從塾師即有志聖賢之學每讀程朱書焚香端坐錄其言行以為法則一時有辛夫子之稱畢守道自嚴聞其名造應訪焉南提學居益駐節州中召試明體適用策列諸生俾餼於庠尋奉安邑曹真子為師學益進一日於廣座間或言中庸無聲無臭兩無字最為元妙全曰不如孟子父子有親五有字更加切實聞者咸頌首老儒李承賜年七十餘遂願北面稱弟子關中馮少墟楚中賀陽亭各以所學來質吳相國姓倪祭酒元璐路御史振飛等推挽恐後比膺貢入京師賀相國達聖特疏聞於朝詔以知府用全亦欲舉素所論著如衡門芹經世碩畫見諸行事未幾以內艱歸還嬰病卒全早喪父哀毀如禮持七戒三年事孀母愛敬兼至年伯兄

備極愉和安貧樂道終其身既歿門人私諡曰文敬

文顯道字子行諸生遊辛全門講學明道好勸人為善人稱丈夫子又車園幼事辛全有篤實君子之譽劉澤長字恒齋公府中遇冤抑婉為伸救聞辛全講學忻然從之者劉子俚言見三晉語錄中

魯世任字魏尹垣曲人性端方事親孝從絳州辛全學力行不倦天啓末舉於鄉崇禎十年為鄭州知州建天中書院集士子講肄其中遠近樂從者千人十三年秋給事中范士髦薦世任及內邱故太原通判喬中和稱為醇儒乞召試平臺備顧問不報十五年流賊來犯親勒民兵禦之河干戰敗自刎死士民肖像祀之書院中

譚登仕絳縣人天啓間貢授同州訓導陞泰安教諭洛南知縣服官清謹性嗜學嘗以大學配河洛圖書文太青稱其眼空千古所著有太極圖解四書事天象畧道一九論等書行世

山西通志卷一百四十文苑

圭

王復初字心一號雲將絳州人父曰善有學行復初少聞為學大指已復私淑其鄉辛復元不為剽掠之學由拔貢生中順天戊子副榜授古田知縣以嚴行恕吏民胥奉法唯謹遷揚州府鹽政同知仲許生之屈賸鄒吏之妻政聲藉甚致仕歸闕嚴正齋日與党水壑王君棟聞明性學不一與外事嘗十舉鄉飲大賓里人重之

王樸絳州人州博士弟子尊謝去韻精性理諸書與曲沃賈判生大寧陶庵共相商確其學一以誠寔敦篤為主曹

手書迂齋二字遺之故自號曰迂叟著有純孝篇聞曲集思齊錄燕居錄諸書

李生光字闇章絳州人幼端方不與羣兒伍年十歲從閭隆字受尚書父歿著或勸易業迄不有曰父命也後聞辛復元講道河汾負笈就弟子列著儒教辨正崇正開邪彙編及自警詩友于篇諸書學者多傳誦之

王兆鵬絳州人歲貢生剛方不樂與富貴人交非義一介不取年八十猶授徒不懈導窾批郤多所成就著有四書宗朱正旨行於世

閻懷珍字月生稷山人幼嗜學取朱子小學日夜潛玩常期見諸行事亦日舉以教人進退坐立皆有法度兄多疾子亡孫幼復無爲主中饋者朝夕其側十餘年如一日中年山西通志 卷一百四十 文苑 手

喪偶終其身不娶同學某官都下延入幕中歲奉束修如干比某歿賣田贖之如其數雖瓶無儲粟泊如也年八十歲卒

翟鳳翥字象陸聞喜人同官教諭期古孫順治丙戌進士官刑部主事遷饒州知府以卓異擢屯田道再擢陝西按察司使遷湖廣右布政使福建左布政使左遷福建鹽驛道卒於官鳳翥爲諸生時袁督學繼成深器之既通籍由曹郎游躋藩岳所至號清惠而尤以培養士類爲先務在饒州建芝山書院集諸生日課之在陝西修少墟馮公書院在湖廣修漢陽書院買田以贍諸生然雅負幹畧克肩大事其始蒞饒也有盜盤踞山中時出爲民害遣一老卒持所撰鐸書往招之賊黨感泣胥解散及理屯政條上屯務

十事至今垂爲甲令雅喜譔文章尤好褒闡潛德雖賈萊灑削無或遺著冰水篇桐園諸裴氏家譜聞喜乘行於世子貞儀甲午拔貢營葬事甫訖嘔血卒人痛惜之

克成字憲公絳州人世居城北山厓下近明藩府藏水地故號冰壑居士學者因稱冰壑先生幼爲學即有志聖賢村居鍵戶日誦實濂洛關閩諸書以身體之家甚貧取與畫然一介不苟與人語率本諸經嘗爲賈舍人荆生作一齋解援周元公程正公說無卮辭又嘗爲人辨朱陸異同探本原窮歸宿是非疑似瞭如指掌著學庸語言曰知若干種見者謂篤定精醇可擬讀書錄魏大司寇環極聞其名寄書謂學三述卒不答魏益高之年將耄貧日益甚讀書好古晏如也卒後數年州守爲樹碑於墓上

山西通志

卷一百四十 文苑

天

李毓秀字子潛絳州人隸國學注選縣丞從冰壑克成游幾二十年守師說不敢變尤研精學庸或問輯宋儒大文約亦或問爲多嘗曰西銘太極相爲表裏西銘言其當然太極言其所以然西銘猶大學太極猶中庸也晚而講易敦復齋年八十三卒太平王御史奐曾深惋惜焉

柴平富字丕公絳州人貢生性端方幼時言笑不苟比長聞李子潛名往師之篤嗜小學內則諸書祖父母亡寢苦枕塊不入私室者六年著四書偶抄壁經拾遺周易雜記藏於家

張克疑字均齋聞喜人少學於父根樸復從曲沃高游高與根樸稱經師而克疑沉潛載籍文淡宕而鬱茂詩亦具森致戊午己未聯尚進士選翰林院庶吉士藝苑如山左